



**KENYATAAN MEDIA
KEMENTERIAN KESIHATAN MALAYSIA**

**MAKLUMAN PRODUK KOSMETIK YANG DIKESAN
MENGANDUNGI RACUN BERJADUAL**

Bahagian Regulatori Farmasi Negara (NPRA), Kementerian Kesihatan Malaysia (KKM) ingin menggesa orang awam untuk mengelak daripada membeli dan menggunakan produk kosmetik berikut kerana dikesan mengandungi racun berjadual seperti di bawah:

Bil.	Nama Produk	Racun Berjadual Yang Dikesan
1.1	Molly Care Night Cream	Merkuri
1.2	Pinkkiss Beauty Care Herbal Cream	Merkuri dan Betamethasone 17-Valerate
1.3	Pinkkiss Beauty Care Treatment Cream	Hydroquinone, Tretinoin dan Betamethasone 17-Valerate
1.4	Karisma Brightening Day Cream	Merkuri
1.5	Ufora Advance Repair Solution	Hydroquinone

Susulan daripada itu, notifikasi produk-produk kosmetik terlibat telah dibatalkan oleh Pengarah Perkhidmatan Farmasi, KKM dan tidak lagi dibenarkan untuk dijual di Malaysia.

PERIHAL BAHAN RACUN BERJADUAL

Merkuri dilarang di dalam produk kosmetik kerana ia boleh diserap masuk ke dalam badan dan menyebabkan kerosakan pada buah pinggang dan sistem saraf. Ia juga boleh mengganggu perkembangan otak kanak-kanak yang masih kecil atau yang belum dilahirkan. Merkuri juga boleh menyebabkan ruam, iritasi dan perubahan lain pada kulit.

Produk yang mengandungi **hydroquinone, tretinoin dan betamethasone 17-valerate** adalah ubat yang perlu berdaftar dengan Pihak Berkuasa Kawalan Dadah dan hanya boleh digunakan dengan nasihat ahli profesional kesihatan. Penggunaan produk yang mengandungi bahan-bahan tersebut **tanpa pengawasan ahli profesional kesihatan** boleh menyebabkan kesan-kesan sampingan yang tidak diingini seperti berikut:

Racun Berjadual	Kesan Sampingan
Hydroquinone	Kemerahan pada kulit yang disapu, ketidakselesaan, perubahan warna kulit yang tidak diinginkan, kulit menjadi hipersensitif, boleh menghalang proses pigmentasi (depigmentasi) yang mengurangkan perlindungan kulit daripada pancaran sinar UV merbahaya dan boleh meningkatkan risiko kanser kulit.
Tretinoin	Bahagian kulit yang disapu menjadi kemerahan, tidak selesa, pedih, mengelupas dan hipersensitif kepada cahaya matahari.
Betamethasone 17-Valerate	Bahagian kulit muka yang disapu menjadi nipis dan mudah mengalami iritasi, berjerawat, perubahan pada pigmentasi kulit dan meningkatkan risiko untuk diserap ke dalam sistem peredaran darah yang boleh membawa kesan mudarat.

PERINGATAN KEPADA PENJUAL DAN PENGEDAR PRODUK KOSMETIK INI

Penjual dan pengedar produk-produk kosmetik ini perlu menghentikan penjualan dan pengedaran produk kosmetik tersebut dengan serta-merta. **Penjualan dan pengedaran** produk kosmetik ini adalah melanggar Peraturan-Peraturan Kawalan Dadah dan Kosmetik 1984.

Individu yang melakukan kesalahan di bawah Peraturan-Peraturan ini boleh dikenakan hukuman denda tidak melebihi RM25,000 atau penjara tidak melebihi 3 tahun atau kedua-duanya untuk kesalahan pertama dan denda tidak melebihi RM50,000 atau penjara tidak melebihi 5 tahun atau kedua-duanya untuk kesalahan berikutnya. Syarikat yang melakukan kesalahan boleh dikenakan denda sehingga RM50,000 untuk kesalahan pertama dan denda sehingga RM100,000 untuk kesalahan berikutnya.

PERINGATAN KEPADA ORANG AWAM

Orang awam yang sedang menggunakan produk-produk kosmetik ini dinasihatkan untuk segera menghentikan penggunaannya dan mendapatkan nasihat daripada ahli profesional kesihatan jika mengalami sebarang ketidakselesaan atau kesan advers.

Orang awam digalakkan untuk menyemak status notifikasi sesuatu produk kosmetik dengan melayari laman sesawang rasmi NPRA www.npra.gov.my atau melalui aplikasi 'NPRA Product Status' yang boleh dimuat turun daripada *Google Play Store*.

Sekian.

KEMENTERIAN KESIHATAN MALAYSIA
5 FEBRUARI 2025

LAMPIRAN

Nama Produk: Molly Care Night Cream



Nama Produk: Pinkkiss Beauty Care Herbal Cream



Nama Produk: Pinkkiss Beauty Care Treatment Cream



Nama Produk: Karisma Brightening Day Cream



Nama Produk: Ufora Advance Repair Solution

Ufora SKINCARE

FACE SERUM
ADVANCED REPAIR SOLUTION

Hamamelis Virginiana Extract 99%
Tranexamic Acid 1.2%
Alpha-Arbutin 1.2%
Collagen 1%

10 ml | 0.34 fl. oz.

REFRESHING INGREDIENTS

THE NEW HIGH CONCENTRATION COMPLEX FORMULA EFFECTIVELY PROMOTES THE SKIN'S COLLAGEN GENERATION, WHITENS, MOISTURIZES, LIGHTENS SPOTS, REMOVES ACNES, MINIMIZES PORES, SMOOTHENS OUT FINE LINES, ENHANCES CUTICLES, REPAIR DAMAGED SKIN AND RESTORES ITS HYDRATION AND BRIGHTNESS.

THIS ADVANCE REPAIR SOLUTION FACE SERUM IS DESIGNED VERY UNIQUELY FORMULATION TO PENETRATES DEEP INSIDE THE SKIN AND IMPROVES SKIN TEXTURE. IT HELPS TO EVEN OUT THE SKIN TONE, REPAIR THE DAMAGED SKIN. IT ALSO REDUCES TANNING & DARK SPOTS.

INGREDIENTS : WATER, HAMAMELIS VIRGINIANA EXTRACT, NIACINAMIDE, ETHYL ASCORBIC ACID, GALACTOMYCES FERMENT FILTRATE, TRANEXAMIC ACID, ALPHA-ARBUTIN, COLLAGEN, CHAMOMILLA RECUTITA FLOWER EXTRACT, ALOE BARBADENSIS LEAF EXTRACT, SODIUM HYALURONATE, ETHYLHEXYLGLYCERIN, GLUTATHIONE, PROPANEDIOL, ALLANTOIN.

DIRECTION TO USE :

- TAKE A FEW DROPS OF SERUM ON FINGERTIPS.
- APPLY DOTS OF SERUM ON FACE AND NECK.
- GENTLY MASSAGE IN UPWARD DIRECTION UNTIL COMPLETELY ABSORBED BY THE SKIN.

DISCLAIMER : THIS PRODUCT CONTAINS NATURAL INGREDIENTS & MAY CHANGE COLOUR AND FRAGRANCE OVER THE PERIOD OF TIME, WITHOUT LOSING ITS BENEFITS. EVEN NATURAL PRODUCTS CAN CAUSE ALLERGY TO SOME PEOPLE THIS PATCH TEST IS RECOMMENDED BEFORE USE. USE IT FOR EXTERNAL PURPOSE ONLY. AVOID DIRECT CONTACT WITH EYES AND ALWAYS STORE IN A COOL & DRY PLACE.

DIST: UFORA COSMETICS SDN. BHD.
1027, GROUND FLOOR, JALAN GRI CEMERLANG, 15100 KOTA BHARU, KELANTAN, MALAYSIA.
CUSTOMER CARE : +6011-29073967

www.uforaskincare.com

BN 4982
ENP.24264395
NOT240102162K
SM RM29 | SS RM42 | SD 533

